

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**Zaključak**  
**o odbacivanju**  
**Prijava koncentracije privrednog subjekta Interenergo, energetski inženiring d.o.o.**  
**Ljubljana, Republika Slovenija**

**Sarajevo,**  
**decembar 2012. godine**



Broj: 06-26-1-019-4-II/12  
Sarajevo, 20. decembar 2012. godine

Na osnovu člana 25. stav (1) tačka e), člana 42. stav (2), a u vezi sa čl. 12., 14. i 16. Zakona o konkurenciji („Službeni glasnik BiH“», br. 48/05, 76/07 i 80/09), a rješavajući po Prijavi koncentracije privrednog subjekta Interenergo, energetska inženjering d.o.o., Tivolska cesta 48, 1000 Ljubljana, Republika Slovenija, zaprimljenoj dana 29. novembra 2012. godine broj: 06-26-1-019-II/12, Konkurencijsko vijeće Bosne i Hercegovine, na 49. (četrdesetdevetoj) sjednici održanoj dana 20. decembra 2012. godine, je donijelo

### **ZAKLJUČAK**

1. Odbacuje se Prijava koncentracije privrednog subjekta Interenergo, energetska inženjering d.o.o., Tivolska cesta 48, 1000 Ljubljana, Republika Slovenija, radi nepostojanja obaveze prijave koncentracije, u smislu člana 14. stav (1) Zakona o konkurenciji.
2. Ovaj Zaključak bit će objavljen u „Službenom glasniku BiH“, službenim glasilima entiteta i Brčko distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, pod brojem: 06-26-1-019-II/12 dana 29. novembra 2012. godine, Prijavu koncentracije (u daljem tekstu: Prijava) privrednog subjekta Interenergo, energetska inženjering d.o.o., Tivolska cesta 48, 1000 Ljubljana, Republika Slovenija (u daljem tekstu: Interenergo Ljubljana ili Podnosilac prijave), putem advokata Branka Marića i advokata Džane Smailagić - Hromić (Marić & Co Advokatsko društvo d.o.o., Mehmeda Spahe 26, 71000 Sarajevo) (punomoć od dana 23. studenoga 2012. godine), kojom namjerava od privrednog subjekta Rose - Wood d.o.o. društvo za proizvodnju, trgovinu i usluge Gornji Vakuf - Uskoplje, Batuški lug bb, 70240 Gornji Vakuf - Uskoplje, Bosna i Hercegovina (u daljem tekstu: Rose - Wood Gornji Vakuf - Uskoplje ili Prodavatelj) kupiti 100,0% vlasničkih udjela u osnovnom kapitalu njegovog povezanog društva - privrednog subjekta Društvo ograničene odgovornosti „Inter - Energo“ Gornji Vakuf - Uskoplje, Vrbaska 42, 70240 Gornji Vakuf - Uskoplje, Bosna i Hercegovina (u daljem tekstu: Inter - Energo Gornji Vakuf - Uskoplje ili Predmet koncentracije).

Podnosilac prijave je dostavio dopunu Prijave podneskom broj: 06-26-1-019-1-II/12 dana 06. decembra 2012. godine.

Konkurencijsko vijeće je utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona o konkurenciji (u daljem tekstu: Zakon), aktom broj: 06-26-1-019-2-II/12 od dana 13. decembra 2012. godine.

Konkurencijsko vijeće u postupku ocjene Prijave je utvrdilo sljedeće činjenice:

Predmetna Prijava je podnesena, u skladu sa članom 16. stav (2) Zakona, budući da ista sadrži dokaze o namjeri za koncentracijom učesnika koncentracije (Pismo namjere potpisano od učesnika koncentracije).

## **1. Učesnici koncentracije**

Učesnici koncentracije su privredni subjekt Interenergo, energetska inženjering d.o.o., Tivolska cesta 48, 1000 Ljubljana, Republika Slovenija (Podnosilac prijave), privredni subjekt Rose - Wood d.o.o. društvo za proizvodnju, trgovinu i usluge Gornji Vakuf - Uskoplje, Batuški lug bb, 70240 Gornji Vakuf - Uskoplje, Bosna i Hercegovine (Prodavalac) i privredni subjekt Društvo ograničene odgovornosti „Inter - Energo“ Gornji Vakuf - Uskoplje, Vrbaska 42, 70240 Gornji Vakuf - Uskoplje, Bosna i Hercegovina (Ciljano društvo - predmet namjeravane koncentracije).

### **1.1. Privredni subjekt Interenergo Ljubljana**

Privredni subjekt Inrenergo, energetska inženjering d.o.o., Tivolska cesta 48, 1000 Ljubljana, Republika Slovenija, je upisan u sudski / poslovni registar pod matičnim brojem: 2226405000 (porezni broj: SI99144590) dana 22. avgusta 2006. godine, sa ukupnim osnovnim kapitalom od (..)\*\*<sup>1</sup> KM (EUR (..)\*\*), sa (..)\*\*% vlasničkih udjela privrednog subjekta Ki-Kelag International GMBH, Arnulfplatz 2, 9020 Klagenfurt am Worthersee, Republika Austrija.

Pretežne registrovane djelatnosti privrednog subjekta Interenergo Ljubljana su investiranje u izgradnju energetskih postrojenja za proizvodnju električne energije iz obnovljivih izvora te trgovina električnom energijom.

Privredni subjekt Interenergo Ljubljana u Bosni i Hercegovini ima 100,0% vlasničkih udjela u:

- privrednom subjektu “Interenergo” Privredno društvo za energetska inženjering d.o.o. Sarajevo, Fra Anđela Zvizdovića 1, 7100 Sarajevo (u daljem tekstu: Interenergo Sarajevo);
- privrednom subjektu EHE Društvo za proizvodnju, razvoj i trgovinu d.o.o. Banja Luka, Dunavska 1c, 78000 Banja Luka (u daljem tekstu: EHE Banja Luka);
- privrednom subjektu “IEP energija” Društvo sa ograničenom odgovornošću Gornji Vakuf - Uskoplje, Vrbaska bb, Gornji Vakuf - Uskoplje (u daljem tekstu: IEP energija Gornji Vakuf - Uskoplje);
- privrednom subjektu Društvo sa ograničenom odgovornošću “L.S.B. ELEKTRANE” Banja Luka, Dunavska 1c, 78000 Banja Luka (u daljem tekstu: L.S.B. ELEKTRANE Banja Luka);
- privrednom subjektu Društvo sa ograničenom odgovornošću “INTER - HEM” d.o.o. Banja Luka, Dunavska 1c, 78000 Banja Luka (u daljem tekstu: INTER - HEM Banja Luka).

Privredni subjekt Interenergo Ljubljana ima 27,0% vlasničkih udjela u privrednom subjektu INTERENERGO ELECTRIC d.o.o. Banja Luka, Dunavska 1c, 78000 Banja Luka.

#### **1.1.1. Privredni subjekt Interenergo Sarajevo**

Privredni subjekt “Interenergo” Privredno društvo za energetska inženjering d.o.o. Sarajevo, Fra Anđela Zvizdovića 1, 7100 Sarajevo, je upisan u registar Općinskog suda u Sarajevu pod matičnim brojem: 1-26376 (JIB: 4201242530004), sa ukupnim osnovnim kapitalom od (..)\*\*KM.

---

<sup>1</sup> (..)\*\* - Podaci predstavljaju poslovnu tajnu, u smislu člana 38. Zakona o konkurenciji

Pretežne registrovane djelatnosti privrednog subjekta Interenergo Sarajevo su proizvodnja električne energije u hidroelektranama, termoelektranama, nuklearnim elektranama i iz drugih izvora, izgradnja i održavanje hidrograđevinskih objekata, trgovina na veliko čvrstim, tečnim plinskim gorivima.

### **1.1.2. Privredni subjekt EHE Banja Luka**

Privredni subjekt EHE Društvo za proizvodnju, razvoj i trgovinu d.o.o. Banja Luka, Dunavska 1c, 78000 Banja Luka, osnovan je dana 05. decembra 2006. godine, a upisan je u registar Okružnog privrednog suda Banja Luka pod matičnim brojem MBS: 1-15768-00 (JIB: 4402552570001) sa ukupnim osnovnim kapitalu od (..)\*\*KM.

Pretežne registrovane djelatnosti privrednog subjekta EHE Banja Luka su trgovina na veliko namještajem, mašinama i opremom za kancelarije, hemijskim proizvodima, drvetom, građevinskim materijalom, robom od metala, instalacijskim materijalom, otpadom, drumski prevoz robe, cjevovodni transport itd.

Prema Ugovoru o koncesiji iz 2011. godine (odnosno Aneksu II i III) zaključenim s Ministarstvom industrije, energetike i rudarstva Vlade Republike Srpske gradi se malahidroelektrana Novakovići (na rijeci Ugru) instalisane snage 4,9 MW (završena u junu 2012. godine).

### **1.1.3. Privredni subjekt IEP energija Gornji Vakuf - Uskoplje**

Privredni subjekt "IEP energija" Društvo sa ograničenom odgovornošću Gornji Vakuf - Uskoplje, Vrbaska bb, 70240 Gornji Vakuf - Uskoplje, je upisan u registar Općinskog suda u Travniku pod matičnim brojem: 51-01-0059-11 (JIB: 4236529510002) sa osnovnim kapitalu od (..)\*\*KM.

Pretežne registrovane djelatnosti privrednog subjekta IEP energija Gornji Vakuf - Uskoplje su proizvodnja, prijenos, distribucija i trgovina električnom energijom.

Privredni subjekt IEP energija Gornji Vakuf - Uskoplje proizvodi električnu energiju u malim hidroelektranama Duboki potok i Sastavci (na rijeci Vrbas ukupne instalisane snage 1,6 MW i ukupne godišnje proizvodnje električne energije 7,2 GWh).

### **1.1.4. Privredni subjekt L.S.B. ELEKTRANE Banja Luka**

Privredni subjekt Društvo s ograničenom odgovornošću "L.S.B. ELEKTRANE" Banja Luka, Dunavska 1c, 78000 Banja Luka, osnovan je dana 03. oktobra 2005. godine i upisan u registar Okružnog privrednog suda Banja Luka pod matičnim brojem MBS: 1-15131-00 (JIB: 4402389130007) sa ukupnim osnovnim kapitalom od (..)\*\*KM.

Pretežne registrovane djelatnosti privrednog subjekta L.S.B. ELEKTRANE Banja Luka su proizvodnja, prijenos, distribucija i trgovina električnom energijom (u 2011. godini nije ostvarilo prihod na osnovu pretežne registrovane djelatnosti već je vršio pripremu ulaganja u objekte).

### **1.1.5. Privredni subjekt INTER - HEM Banja Luka**

Privredni subjekt Društvo sa ograničenom odgovornošću "INTER - HEM" d.o.o. Banja Luka, Dunavska 1c, 78000 Banja Luka, osnovan je dana 03. jula 2002. godine i upisan u registar Okružnog privrednog suda Banja Luka pod matičnim brojem MBS: 1-12608-00 (JIB: 4401653040007) sa ukupnim osnovnim kapitalom od (..)\*\*KM.

Pretežne registrovane djelatnosti privrednog subjekta INTER - HEM Banja Luka su proizvodnja, prijenos, distribucija i trgovina električnom energijom (u 2011. godini nije ostvarilo prihod na osnovu pretežne registrovane djelatnosti niti od drugih poslovnih aktivnosti).

### **1.2. Privredni subjekt Rose - Wood Gornji Vakuf - Uskoplje**

Privredni subjekt Rose-Wood d.o.o. društvo za proizvodnju, trgovinu i usluge Gornji Vakuf - Uskoplje, Batuški lug bb, 70240 Gornji Vakuf - Uskoplje, Bosna i Hercegovine, je upisan u registar Općinskog suda u Travniku pod brojem: 51-01-0196-08 (stari broj: 1-4062) (JIB 4236138160007), sa ukupnim osnovnim kapitalom od (..)\*\*KM, i sa (..)\*\*% vlasničkih udjela fizičkog lica Enesa Čemera ((..)\*\*).

Pretežne registrovane djelatnosti privrednog subjekta Rose - Wood Gornji Vakuf - Uskoplje su proizvodnja proizvoda od visokokvalitetne drveta i prevoz (ostvaruje preko 85,3% ukupnog godišnjeg prihoda), te proizvodnja električne energije u malim hidroelektranama (Jelići, Ružnovac i Derala na rijeci Vrbas) (oko 14,7% ukupnog prihoda).

#### **1.2.1. Privredni subjekt Inter - Energo Gornji Vakuf - Uskoplje**

Privredni subjekt Društvo ograničene odgovornosti „Inter-Energo“ Gornji Vakuf - Uskoplje, Vrbaska 42, 70240 Gornji Vakuf - Uskoplje, Bosna i Hercegovina, je upisan kod Općinskog suda u Travniku pod brojem: 51-01-0462-10-09 (JIB: 423651460001), sa upisanim osnovnim kapitalom od (..)\*\*KM, i sa 100,0% vlasničkih udjela privrednog subjekta Rose - Wood Gornji Vakuf - Uskoplje.

Pretežne registrovane djelatnosti privrednog subjekta Inter - Energo Gornji Vakuf - Uskoplje su proizvodnja, prijenos, distribucija i trgovina električnom energijom (u 2010. i 2011. godine nije ostvario prihode).

## **2. Pravni temelj i oblik prijave koncentracije**

U Prijavi je navedeno da Pravni osnov namjeravane koncentracije predstavlja Pismo namjere zaključeno (dana 01. decembra 2009. godine) između Podnosioca prijave i privrednog subjekta Rose - Wood Gornji Vakuf - Uskoplje. Privredni subjekt Interenergo Ljubljana izražava interes i namjeru za kupovinu malih hidroelektrana Jelići, Ružnovac i Derala u vlasništvu privrednog subjekta Rose - Wood Gornji Vakuf - Uskoplje. Također, u Prijavi je dostavljen i nacrt Ugovora koji treba biti zaključen između privrednog subjekta Interenergo Ljubljana i privrednog subjekta Rose - Wood Gornji Vakuf - Uskoplje o prenosu udjela, prava i obaveza osnivača društva, odnosno preuzimanje 100,0% vlasničkih udjela privrednog subjekta Inter - Energo Gornji Vakuf - Uskoplje (uključuje preuzimanje i navedene tri male hidroelektrane).

Pravni oblik namjeravane koncentracije je sticanje kontrole jednog privrednog subjekta (Interenergo Ljubljana) nad drugim privrednim subjektom (Inter - Energo Gornji Vakuf - Uskoplje) kupovinom kompletnog udjela u osnovnom kapitalu, u smislu člana 12. stav (1) tačka b) pod 1. Zakona.

### 3. Relevantno tržište koncentracije

Relevantno tržište koncentracije, u smislu člana 3. Zakona, te čl. 4. i 5. Odluke o utvrđivanju relevantnog tržišta, čini tržište određenih proizvoda /usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta, relevantno tržište u proizvodnom smislu obuhvata sve proizvode i/ili usluge koje potrošači i/ili korisnici smatraju međusobno zamjenjivim, pod prihvatljivim uslovima, imajući u vidu posebno njihove bitne karakteristike, kvalitetu, uobičajnu namjenu, način upotrebe, uslove prodaje i cijene.

Nadalje, prema članu 5. Odluke o utvrđivanju relevantnog tržišta, relevantno tržište u geografskom smislu obuhvata cjelokupan ili dio teritorija Bosne i Hercegovine na kojem privredni subjekt djeluje u prodaji i/ili kupovini relevantnog proizvoda pod jednakim ili dovoljno ujednačenim uslovima i koji to tržište bitno razlikuje od uslova tržišne konkurencije na susjednim geografskim tržištima.

Na osnovu podataka iz Prijave relevantno tržište proizvoda u konkretnom slučaju je tržište proizvodnje električne energije.

Privredni subjekt Inter - Energo Gornji Vakuf - Uskoplje djeluje na relevantnom geografskom tržištu Bosne i Hercegovine.

Slijedom navedenoga relevantno tržište namjeravane koncentracije je proizvodnja električne energije u Bosni i Hercegovini.

#### 3.1. Analiza relevantnog tržišta koncentracije

U Bosni i Hercegovini postoje tri odvojene, vertikalno integrisane elektroprivrede koje djeluju i posluju na tržištu električne energije u Bosni i Hercegovini, i to u proizvodnji, distribuciji i prodaji električne energije:

- privredni subjekt Elektroprivreda Republike Srpske a.d. Trebinje (u daljem tekstu: ERS);
- privredni subjekt Elektroprivreda Bosne i Hercegovine d.d. Sarajevo (u daljem tekstu: EPBiH);
- privredni subjekt Elektroprivreda Hrvatske zajednice Herceg Bosne d.d Mostar (u daljem tekstu: EPHZHB).

Ukupna procjenjena proizvodnja električne energije (na osnovu instalisane snage i predviđene godišnje proizvodnje) u Bosni i Hercegovini iznosi:

Tabela 1.

R.b.	Privredni subjekt	Ukupna proizvodnja (GWh)	Tržišni udjel (%)
1.	EPBiH	7.352,47	50,56
2.	ERS	5.295,46	36,42
3.	EHZHB	1.402,00	9,64
<b>4.</b>	<b>Interenergo Ljubljana</b>	<b>25,70</b>	<b>0,18</b>

<b>5.</b>	<b>Rose - Wood Gornji Vakuf - Uskoplje</b>	<b>12,10</b>	<b>0,08</b>
6.	Ostali proizvođači	452,96	3,12
	Ukupno	14.540,69	100,00
	<b>Ukupno (4+5)</b>	<b>37,80</b>	<b>0,26</b>

Izvor: podaci Državna regulatorna komisija Bosne i Hercegovine (DERK); Regulatorna komisija za električnu energiju u Federaciji Bosne i Hercegovine (FERK) i Regulatorna komisija za energetiku Republike Srpske (RERS)

Ukupna procjenjena proizvodnja električne energije (na osnovu izdatih dozvola, instalisane snage i predviđene godišnje proizvodnje) u malim hidroelektranama u Bosni i Hercegovini:

Tabela 2.

<b>R.b.</b>	<b>Privredni subjekt</b>	<b>Ukupna proizvodnja (GWh)</b>	<b>Tržišni udjel (%)</b>
1.	EPBiH	100,82	37,34
2.	ERS	28,61	10,60
3.	EZHJB	6,60	2,44
<b>4.</b>	<b>Interenergo Ljubljana</b>	<b>25,70</b>	<b>9,52</b>
<b>5.</b>	<b>Rose - Wood Gornji Vakuf - Uskoplje</b>	<b>12,10</b>	<b>4,48</b>
6.	Ostali proizvođači	96,17	35,62
	Ukupno	270,00	100,00
	<b>Ukupno (4+5)</b>	<b>37,80</b>	<b>14,00</b>

Izvor: podaci Državna regulatorna komisija Bosne i Hercegovine (DERK); Regulatorna komisija za električnu energiju u Federaciji Bosne i Hercegovine (FERK) i Regulatorna komisija za energetiku Republike Srpske (RERS)

Prema podacima Regulatorne komisije za električnu energiju u Federaciji Bosne i Hercegovine i Regulatorne komisije za energetiku Republike Srpske u Bosni i Hercegovini ima 42 male hidroelektrane (uključuje male hidroelektrane u vlasništvu javnih preduzeća - elektroprivreda i privatnom vlasništvu) s procjenjenim godišnjim kapacitetima za proizvodnju od 270,00 GWh.

Podnosilac prijave preko povezanih društava u Bosni i Hercegovini proizvodi električnu energiju u tri male hidroelektrane (Dubin potok i Sastavci na rijeci Vrbas i Novakovići na rijeci Ugar) sa instalisanom snagom od 7,3 MW i ukupnom godišnjom predviđenom proizvodnjom od 25,7 GWh, dok privredni subjekt Rose - Wood Gornji Vakuf - Uskoplje proizvodi sa instalisanom snagom od 2,5 MW i sa ukupnom predviđenom godišnjom proizvodnjom od 12,1 GWh, te iz navedenog proizilazi da ukupna procjenjena proizvodnja električne energije učesnika koncentracije iznosi 37,8 GWh, odnosno imaju zajednički udjel od 0,25% (Tabela 1.) na relevantnom tržištu proizvodnje električne energije u Bosni i Hercegovini (ili 14,0% udjela od ukupne predviđene proizvodnje u malim hidroelektranama - Tabela 2.).

#### 4. Ocjena predmetne koncentracije

U skladu sa članom 14. stav (1) tačke a) i b) Zakona, obaveza prijave koncentracije postoji kada učesnici koncentracije prodajom roba i/ili usluga ostvare na svjetskom tržištu 100 miliona KM po završnom računu u godini koja je prethodila koncentraciji i kada ukupni godišnji prihodi svakog od najmanje dva privredna subjekta učesnika koncentracije ostvareni prodajom roba i /ili usluga na tržištu Bosne i Hercegovine iznose najmanje 8 milijona KM po završnom računu u godini koja je prethodila koncentraciji, ili ako je njihov zajednički udio na relevantnom tržištu veći od 40,0%.

Ukupni godišnji prihodi učesnika koncentracije (i s njima povezanih privrednih subjekata), na dan 31. decembra 2011. godine, iznose:

Tabela 3.

R.b.	Privredni subjekt	Svijet	Bosna i Hercegovina
1.	Intrenergo Ljubljana	(..)**KM	(..)**KM**
1.2.-	Interenergo Sarajevo	0	(..)**KM
1.2.-	EHE Banja Luka	0	0
1.3.-	IEP energija Gornji Vakuf - Uskoplje	0	(..)**KM
1.4.-	L.S.B. ELEKTRANE Banja Luka	0	0
1.5.-	INTER - HEM Banja Luka	0	0
2.	Rose - Wood Gornji Vakuf - Uskoplje	(..)**KM	(..)**KM (Ukupno (..)**KM)
2.1.-	Inter - Energo Gornji Vakuf - Uskoplje*	0	0

Izvor: podaci iz Prijave \*predmet koncentracije nije ostvario prihode u 2010. i 2011. godini \*\*navedeni prihodi ne uključuje prihode ostvarene od povezanih društava u Bosni i Hercegovini

Godišnji prihodi učesnika koncentracije (Tabela 2.) predstavljaju ukupne prihode ostvarene prodajom roba i /ili usluga (bez poreza na dodatnu vrijednost i drugih direktnih poreza), u smislu člana 9. tačka h) Odluke o načinu podnošenja prijave i kriterija za ocjenu koncentracija privrednih subjekata.

Članom 14. stav (3) Zakona je utvrđeno da u slučaju da se koncentracija odnosi na spajanje ili pripajanje dijela ili dijelova jednog ili više privrednih subjekata, bez obzira da li ti dijelovi imaju status pravnog lica, pri izračunavanju prihoda, obračunavat će se samo prihod onih dijelova privrednog subjekta koji su predmet kontrole koncentracije.

Konkurencijsko vijeće, na osnovu iznesenih odredbi Zakona, je analiziralo ukupni godišnji prihod privrednog subjekta Rose - Wood Gornji Vakuf - Uskoplje, odnosno prihod koji je ostvaren u proizvodnji električne energije u tri male hidroelektrane - Jelići, Ružnovac i Deral (koje su predmet koncentracije), te utvrdilo da je (prema podacima iz Prijave od ukupnog godišnjeg prihoda od (..)\*\*KM oko (..)\*\*% se odnosi na proizvodnju električne energije), ukupan godišnji prihod ostvaren na relevantnom tržištu proizvodnji električne energije iznosi 1.317.571,00 KM.

Slijedom navedenih podataka učesnici koncentracije su ispunili uslov o visini ukupnog prihoda ostvarenog na svjetskom tržištu, u smislu člana 14. stav (1) tačka a) Zakona, ali nisu ispunili uslov ukupnog godišnjeg prihoda na tržištu Bosne i Hercegovine, u smislu člana 14. stav (1) tačka b) Zakona, budući da privredni subjekt Inter - Energo Gornji Vakuf - Uskoplje (kao predmet koncentracije - povezano društvo privrednog subjekta Rose - Wood Gornji Vakuf - Uskoplje) nema ostvaren godišnji prihod od 8 miliona KM.

Također, učesnici koncentracije nisu ispunili ni uslov da je njihov zajednički tržišni udjel na relevantnom tržištu veći od 40,0% (Tabela 1.).

Uzimajući u obzir navedeno Konkurencijsko vijeće je odlučilo kao u dispozitivu ovog Zaključka.

## 5. Administrativna taksa

Podnosilac prijave na ovaj Zaključak, u skladu sa članom 2. stav (1) tarifni broj 108. tačka c) Odluke o administrativnim taksama u vezi procesnih radnji pred Konkurencijskim vijećem («Službeni glasnik BiH», br. 30/06 i 17/11) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.



## **6. Pouka o pravnom lijeku**

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovog Zaključka.

**Predsjednica**

**Gordana Živković**